

## 譜系源流考

吾族系出黃帝軒轅氏傳八世而生舜 舜子商均 夏禹封於虞城 因以虞為姓 傳五十二世虞閼父為周陶正 武王以元女太姬配 其子妫滿封國於陳 即今河南陳州 因以陳為姓 諡曰陳胡公 再傳十一世 名完字敬仲 因避厲公之亂 適齊齊桓公 以為工正 食采於田 又傳十六世孫 名軫相楚 楚封為潁川侯 即陳州也 遂號為潁川陳氏 軫 傳十八世孫名寔 東漢桓帝以為河南太邱長 即今歸德府永平縣 行政修德 百姓深感其子元方 季方 與父同德 時號三君 孫曰羣 事漢獻帝 授尚書治書御史 羣子曰泰 授刺史 加征西節度使 寔五世孫曰達 晉永嘉元年自潁川遷吳興 即今浙江湖州 達傳八世 曰叔明 封宜都王 因南朝禪位於隋 而叔明遷江州 即九江德化縣 叔明九世孫旺 唐封晉國公 由德化遷德安縣 即義門地 時稱江洲 陳氏旺公七世孫 曰崇 曰端 同居江州數世

未分 唐懿宗授端参政 僖宗时与蒋良杰同起招讨平寇有功 加封威烈将军  
勅镇潭州管辖三边 中和四年特 恩旌表门闾 昭宗大顺元年旌表义门授家长  
崇 为江州长史 赠光禄大夫 同光二年 端公年老解组偕外甥孙彭澹常均卜  
居於长沙之雾阳乡 即今清泰都 议遇大则居陳居大塘 彭居大田 常居大贤  
世号为甲乙丙族 斯时崇公端公江州之业犹共也 崇子衮与端子聚 在東佳山  
建聚星亭 义门书堂 集书数千卷以资学者 及昉之世宗族已三仟七百余口  
不畜婢妾人无閒言每食必群坐广堂 未成童者别为一席 有犬百余共一牢食  
一犬不至群犬亦皆不食 又建书楼 以延四方之士 乡里率化越兢之世子孙益  
众 宋兴国閒 诏免义门沿徵 物色徭役 淳化初又诏本州知州唐戡 每年贷粟  
二千石 至道三年赐御书三十三卷 並真良家三大字 命造御书楼 赐匾曰玉  
音明年 赐知守宗希公汝才思彦承延继十二字 以为世次排名 庆历四年宣兢  
入朝 赐一玉雀 命持归萃 和醞酒一石 今合家三千七百余口 一一遍知其味

兢卒从弟旭主家政 祥符四年特赐 诰勅授将仕郎守江州助教 旭卒 弟蕴主家政 邻里称其德 天圣二年仍赐诰勅授将仕郎拜江州助教 天圣三年勅查义门丁繁三千七百余口本州知州李元颖申奏 特勅赐从便置田四年 勅义门陈氏同居十八世孝友之风卓然无比 许建立祠堂以奉祭饗旌其义也是时义居应举 而登科者四百有三人郎 署之在朝者十有八員 当路刺史司马参军县令者二百有九员 世宦名贤难更樸数 宋嘉祐七年 义门请析奉勅命江州转运使谢景初 郡牧吕海 戶曹吏刘猷 邑宰穆殉 湖口镇巡检范彬众官 临门监护分析 钦遵 太宗編赐字号 将郑州潭州黄州汉阳安庆隸州瀘州松州光州洪州舒州等府州县 莊业均作二百九十一分拈阄 居管此小宗也 又将交德化瑞昌星子三县莊田作二十七分 分与延牧等二十七人居之 又将德安建昌等县莊田 作二十分分与知監等二十人居之 此皆大宗也 不在二百九十一莊之内 自此大宗小宗星分莊业遍布诸省其受莊於洪州潭州武昌江夏黄州汉阳汉川越州南

阳通州隸州吉州 泰和吉安皆唐威烈将军端公裔也其分莊於长沙大塘金铿梅  
藪歛田沧浪税场力头花灰浮潭桑园庙田师村 继而分迁大埠田檀山 青山熒  
火橋 菖蒲塘 官桥 西北市本府煙霧巷 碧湘街迁水渡河黄泥冲洲湖 韶塘又  
迁赤石河 平塘清潭湾 湘阴玉池山 苏溪塢黄柏塢 浸米塘 西冲尖山 力江  
长乐平江崇林百步嶺巫泥 益阳分蒲州华客竹雞坡瓦子湾皆 端公九世孙可  
字派兄弟分管也 惟歛田莊原名福寿莊 其所以改今名者 以八世祖团公先生  
可球等十郎 所有莊业支分已定 后晚年又生一子可秀 排次十一郎 公谕球  
等将十分之业各退一分歛拢成莊与可秀管理 故曰歛田莊 后公卒於京第九  
夫人鲍氏塑像一尊奉归歛田 享祀号曰歛田神公 后因世乱兵燹 疊经移入都  
天神案 今名都歛案 香火弗替明德惟馨 后之数典者其谨识勿忘焉可也